

四庫全書

集部

欽定四庫全書

集部

御定佩文齋詠物詩選卷三百八十六至
九十五

詳校官侍郎_臣李封

主事銜_臣徐以坤覆勘

總校官檢討_臣何思鈞

校對官中書_臣高 中

謄錄監生_臣張丹崑

欽定四庫全書

御定佩文齋詠物詩選卷三百八十六

雜藥類

五言古

兔絲

齊謝朓

輕絲既難理細縷竟無織爛熳已萬條連綿復一色安
根不可知縈心終不測所貴能卷舒伊用蓬生直

詠益智

梁劉孝勝

挺芳銅嶺上擢穎石門端連叢去本葉雜和委雕盤寧
推不迷草詎減聰明九儻逢公子宴方厭永夜歡

種木

唐柳宗元

守閒事服餌採木東山阿東山幽且阻疲茶煩經過戒
徒劇靈根封植閔天和違爾澗底石徹我庭中莎土膏
滋玄液松露墜繁柯南東自成畝繚繞紛相羅晨步佳
色媚夜眠幽氣多離憂苟可怡孰能知其他爨竹茹芳
葉寧慮瘵與瘥留連樹蕙辭婉婉采薇歌悟拙甘自足

激清愧同波，單豹且理內。高門復如何。

種仙靈毗

唐
柳宗元

窮陋闕自養，癘氣劇囂煩。隆冬乏霜霰，日夕南風溫。杖藜下庭際，曳踵不及門。門有野田吏，慰我飄零魂。及言有靈藥，近在湘西原。服之不盈旬，蹙躑皆騰騫。笑忤前，即吏為我擢其根。蔚蔚遂充庭，英翹忽已繁。晨起自採曝，杵臼通夜喧。靈和理內藏，攻疾貴自源。壅覆逃積霧，伸舒委餘暄。奇功苟可徵，寧復資蘭蓀。我聞畸人術，一

氣中夜存能令深深息呼吸還歸踈放固難効且以藥餌論痿者不忘起窮者寧復言神哉輔吾足幸及兒女奔

蕙苾

宋蘇軾

伏波飯蕙苾禦瘴傳神良能除五谿毒不救讒言傷讒言風雨過瘴癘久亦亡兩俱不足治但愛艸木長艸木各有宜珍產駢南荒絳囊懸荔支雪粉剖枕榔不謂蓬荻姿中有藥與糧春為苾珠圓炊作菰米香子美拾橡

粟黃精誑空腸今吾獨何者玉粒照座光

地黃

蘇軾

地黃飼老馬可使光鑑人吾聞樂天語喻馬施之身我
衰正伏櫪垂耳氣不振移栽附沃壤蕃茂爭新春沈水
得稗根重湯養陳薪投以東阿清和以北海醇崖密助
甘冷山薑發芳辛融為寒食餠嚙作瑞露珍丹田自宿
火渴肺還生津願餉內熱子一洗胸中塵

寄何首烏丸與友人

宋文同

此艸有奇効嘗聞於習之陵陽亦舊產其地尤所宜翠
蔓走巖壁芳叢蔚參差下有根如拳赤白相雄雌劇之
高秋後氣味乃不虧斷以苦竹刀蒸曝凡丸為夾羅下
香屑石密相和治入白杵萬過盈盤走壘壘日進豈厭
屢初若無所滋漸久覺膚草鮮潤如凝脂既已鬚髮換
白者無一絲耳目固聰明步履欲走馳十年親友別忽
見皆生疑問胡得爾術容貌曾莫衰為之講靈苗不為
世俗知蓋以多見賤蓬藿同一虧君如聽予服此語不

敢欺勿信柳子厚但誇仙靈脾

天門冬

宋朱子

高蘿引蔓長插援垂碧絲西窓夜來雨無人領幽姿

黃連

明吳寬

花細山桂然階下不堪嗅野人劖其根根長節應九苦
節不可貞服食可資壽其功利于病有客嫵苦口戒余
勿種茲味苦和難受豈不見甘艸百藥無不有

兜絲

明薛蕙

根株不自立枝蔓為誰飾偶同雜組文未比朱絃直園
客何由整天女詎堪織暫附松柏枝終辭霜露色

七言古

紫參歌

唐
錢起

遠公林下滿青苔春藥偏宜間石開往往幽人尋水見
時時仙蝶隔雲來陰陽雕刻花如鳥對鳳連雞一何小
春風宛轉虎谿旁紫翼紅翹翻霽光貝葉經前無住色
蓮花會裏暫留香蓬山才子憐幽性白雪陽春動新詠

應知仙卉老煙霞莫賞夭桃滿蹊徑

薏苡

宋陸游

初遊唐安飯薏米炊成不減雕胡美大如芡實白如玉
滑欲流匙香滿屋腹腴項鬻不入盤况復殮酪誇甘酸
東歸思之未易得每以問人人不識嗚呼竒材從古棄
草菅君試求之籬落間

五言律

臨洮龍興寺元上人院同詠青木香叢

唐岑參

移根自遠方種得在僧房六月花新吐三春葉已長抽
莖高錫杖引影到繩牀只為能除疾傾心向藥王

灼艾

宋范大成

血忌詳涓日尻神謹避方艾求真伏道穴按古明堂謝
去羣巫祝勝如幾藥湯起來成獨笑一事攪千忙

五言排律

謝李吏部贈訶梨勒葉

唐包佶

一葉生西徼齋來海上查歲時經水府根本別天涯方
士真難見商胡輒自誇比香同異域看色勝仙家茗飲
暫調氣梧丸喜伐邪幸蒙祛老疾深願駐韶華

七言律

次韻袁公濟謝芎椒

宋蘇軾

燥吻時時著酒濡要令卧疾致文殊河魚潰腹空號楚
汗水流骹始信吳自笑方求三歲艾不如長作獨眠夫
羨君清瘦真仙骨更助飄飄鶴背軀

五言絕句

曲水寺枳實

唐
劉商

枳實繞僧房，攀枝置藥囊。
洞庭山上橘，霜落也應黃。

七言絕句

香附子

唐
顧況

越人翠被今何寂，獨立江邊莎艸碧。
紫燕西飛欲寄書，白雲何處逢來客。

與梧州劉中丞

唐
李涉

三代盧龍將相家五分符竹到天涯瘴山江上重相見
醉裏同看荳蔻花

答開州韋使君寄車前子

唐

張

籍

開州午日車前子作藥人皆道有神慚愧使君憐病眼
二十里外寄閑人

勸飲酒

唐

張

祜

燒得硫黃漫學仙未勝長付酒家錢膏常不喫齊推藥
却在人間八十年

贈丘先生

唐賈島

常言喫藥全勝飯華嶽松邊采茯苓
神不遺髭鬚一莖白擬為白日上昇人

睡起聞米元章冒熱到東園送麥門冬飲子

宋蘇軾

一枕清風直萬錢無人肯買北窗眠
開心煖胃門冬飲知是東坡手自煎

貝母

宋張載

貝母階前蔓百尋
雙桐盤繞葉森森
剛強顧我蹉跎甚
時欲低柔警寸心

晚春田園雜興

宋 范成大

新綠園林曉氣涼
晨炊早出看移秧
百花飄盡桑麻小
夾路風來阿魏香

次韻春日漫興

明 高 啟

菖蒲葉老芷花新
地暖鴛鴦護水紋
不上高樓無遠恨
江南春盡艸如雲

聞芷

明僧德祥

白芷花開繞屋香
一時秋思入江鄉
雲多水濶人難見
楚竹歌聲動夕陽

御定佩文齋詠物詩選卷三百八十六

欽定四庫全書

御定佩文齋詠物詩選卷三百八十七

蘆葦類

附蒹葭

葑

五言古

和子由記園中草木

宋

蘇軾

蘆筍初似竹稍開葉如蒲方春節抱甲漸老根生鬚不
愛當夏綠愛此及秋枯黃葉倒風雨白花搖江湖江湖
不可到移植苦勤劬安得雙野鴨飛來成畫圖

舟中雜詠

元表楠

白葦生寒沙殘花搖蔽帚燕都百萬家借爾作薪樵物
微生竄下功用迺堪取大勝桃李花矜矜鬪妍醜

蘆

明吳寬

江湖渺無際彌望皆高蘆蘆本水濱物久疑平陸無移
根偶種植溝淺土不污縱橫忽徧地葉捲多葭葦白花
可為絮長幹須人扶每當風雨夕蕭蕭亦江湖宛如扁
舟過榜人共歌呼浩然發歸興豈為思尊鱸

長短句

蘆花動

唐耿漳

連素穗翻秋氣
細節踈莖任長吹
共作月中聲
孤舟發
鄉思

五言律

種葦

唐姚合

欲種數莖葦
出門來往頻
近陂收本土
選地問幽人
靜看唯思長
初移未覺勻
坐中尋竹客
將去更逡巡

使院栽葦

唐薛能

憂憂復差差一叢千萬枝
格如僧住處栽得吏閑時
笋自廳中出根從府外移
從軍無宿例空想夜風吹

顧少府池亭葦

唐曹松

池上分行種公庭覺少塵
根離潮水岸韻爽判曾人
正午迴魚影方昏息鷺身
無時不動詠滄島思方頻

叢葦

唐張蠊

叢叢寒水邊曾折打魚船
忽與亭臺近翻嫌島嶼偏
花

明無月夜聲急正秋天遙憶巴陵渡殘陽一望煙

同兒曹賦蘆花

金吳激

天接蒼蒼渚江涵裊裊花秋聲風似雨夜色月如沙澤
國幾千里漁邨三兩家翻思杏園路鞭裊帽檐斜

五言排律

蘆葦

唐王貞白

高士想江湖閒庭徧植蘆清風時有至綠竹興何殊嫩
喜日光薄踈憂雨點羸驚蛙跳得過鬪雀裊如無未織

芭籬護幾檉，
杖扶惹煙輕。
弱柳蘸水漱，
清蒲漑濯情。
偏重琴尊賞，
不孤穿花思。
釣叟吹葉少，
羌雛寒色暮。
天映秋聲遠，
籟俱朗吟應。
有趣瀟灑十餘株。

庭葦

唐李中

品格清於竹，
詩家景最幽。
從栽向池沼，
長似在汀洲。
玩好招谿叟，
棲堪待野鷗。
影疎當夕照，
花亂正深秋。
韻細堪清耳，
根牢好繫舟。
故谿高岸上，
冷淡有誰遊。

七言律

蘆花

唐羅鄴

如練如霜乾復輕
西風處處拂江城
長垂釣叟看不足
暫泊王孫愁亦生
好傍翠樓裝月色
枉隨紅葉舞秋聲
最宜羣鷺斜陽裏
閒捕纖鱗傍爾行

蘆檻

宋朱松

手刷修蘆著檻栽
使君公退幾徘徊
想當風雨翻叢急
疑卷江湖入座來
未辨松窓眠綠浦
且將屐齒印蒼苔
種成桃李人間滿
應念孤根首重回

蘆花

明 徐 爍

江畔洲前白渺茫
蕭蕭撼撼鬪秋光
輕風亂播漫天雪
斜月微添隔岸霜
半夜鴈羣清避影
數聲漁笛澹吹香
瓊枝玉樹分明見
愁絕懷人水一方

五言絕句

江行

唐 錢 起

風晚冷颼颼
蘆花已白頭
舊來紅葉寺
堪憶玉京秋

西蘆詞

明 袁 表

秋鴈集復飛寒潮明更滅日暮風起時蘆子花如雪

七言絕句

谿岸秋思

唐
杜荀鶴

桑柘窮頭三四家
挂罾垂釣是生涯
秋風忽起谿浪白
零落岸邊蘆荻花

晚春田園雜興

宋
范成大

湖蓮舊蕩藕新翻
小小荷錢沒漲痕
斟酌梅天風浪緊
更從水外種蘆根

已至湖尾望見西山

宋 楊萬里

蘆荻中間一港深
萋萋如柱不成簷
正愁半日無邨落
遠有人家在樹林

江邨晚眺

宋 戴復古

江頭落日照平沙
潮退漁舸閣岸斜
白鳥一雙臨水立
見人驚起入蘆花

楊邨

元 馬祖常

霜明野水曉粼粼
蘆葉黃時少白蘋
船上忽逢吳客子

牽衣雙手拂征塵

洪厓橋

元虞集

澄江如練碧悠悠一色蘆花覆遠洲無盡青天歸鴈急
月明寒影不曾留

余與觀志能俱以公事赴北舟至梁山泊時荷
花盛開風雨大至舟不相接遂泊蘆葦中余
折蘆一葉題詩其上寄志能

元薩都拉

題詩蘆葉雨斑斑底事詩人不奈閒
滿浦荷花開欲遍
客程五月過梁山

題畫雜詩

元馬臻

岸水依痕釣艇閒
炊煙幾處出蘆灣
西窓正是斜陽好
一帶泥金抹遠山

晚眺

明趙迪

白雲深處野人家
倚杖閒吟日未斜
江上數峯看欲盡
晚鐘殘月入蘆花

舟中暮歸

明張泰

斷柳殘沙不掩隄，葦叢幽稱水禽栖。
半江斜照將秋色，相送歸船到竹溪。

潤州舟行作

明湯珍

河洲春茁紫蘆芽，綠水清暉美客槎。
十日南風吹未息，殘梅猶發短牆花。

附薰葭

五言律

蕙葭

唐杜甫

摧折不自守，秋風吹若何。
暫時花載雪，幾處葉沉波。
體弱春苗早，叢長夜露多。
江湖後搖落，亦恐歲蹉跎。

七言絕句

旅懷

唐杜荀鶴

蒹葭月冷時，聞雁楊柳風。
和日聽鶯水，涉山行二年。
客就中偏怕雨，船聲

送友人

唐薛濤

水國蒹葭夜有霜月寒山色共蒼蒼誰言千里似今夕
離夢杳如關路長

滇中詞

明
范 洵

秀海海邊葭蒹秋滇池池上雲悠悠人心恰似此中水
一道南流一北流

附對

七言絕句

對田

宋
林 逋

淤泥肥黑稻秧青闊蓋深流旋旋生擬倩湖君書版籍
水仙今佃老農耕

洪州歌

元柳貫

東湖水滿葑雲開掠取煙光雨色來未放官繇興畚鍤
且從魚樂占池臺

御定佩文齋詠物詩選卷三百八十七

欽定四庫全書

御定佩文齋詠物詩選卷三百八十八

荻花類

五言古

賦得春荻

梁元帝

翠莢玉池前
遙映江南蓮
非秋無有眊
未燒不生烟

五言律

送荻栽與秀才朱觀

宋徐鉉

羨子清吟處茅齋面碧流解憎蓮艷俗唯欠荻花幽鷺
立低枝晚風驚折葉秋贈君須種取不必樹忘憂

五言絕句

答李澣

唐
韋應物

馬卿猶有壁漁父自無家想子今何處扁舟隱荻花

七言絕句

荻浦

宋
蘇軾

雨折霜乾不耐秋白花黃葉使人愁月明小艇湖邊宿

便是江南鸚鵡洲

豫章江臯

宋楊萬里

只今秋稼滿江郊，猶記春船掠屋茅。
可是北風寒入骨，荻花爭作向南梢。

拜郊臺晚渡

元朱德潤

風颺松花落澗濱，荻芽洲渚水鱗鱗。
莫教行到崇臺上，忘却山前喚渡人。

題小景

明劉基

江頭日日起西風
江樹驚寒葉變紅
天澹雲低何處鴈
一行飛下荻花中

過潯陽

明袁凱

夜泊潯陽江上沙
扁舟何處載琵琶
西風不管水流去
依舊滿汀開荻花

田家即事

明唐時升

江邨女兒喜行舟
江上人家吉貝秋
綠岸荻花三四里
石橋南去見城頭

御定佩文齋詠物詩選卷三百六十八

欽定四庫全書

御定佩文齋詠物詩選卷三百六十九

荷花類

附洪

七言絕句

胥門閒泛

唐皮日休

青翰虛徐夏思清
愁煙漠漠荷花平
醉來欲把田田葉
盡裏當時醒酒鯖

次余仲庸松風閣韻

宋 裴萬頃

已著遺經洗此心更尋流水濯吾襟
經句不涉谿邊路
行帶苔錢如許深

水荇

明彭紹賢

泉分石竇瀉珠光坐挹磯邊水荇香
何處歌聲最幽窈
臨流那復羨滄浪

附蕙

七言絕句

經舊遊

唐張祜

去年來送行人處依舊蟲聲古岸南斜日照谿雲影斷
水蒸花穗倒空潭

湖上暮歸

明史鑑

鳴犖呼去水雲空香滴蒹花露氣濃僧寺茫茫看不見
暮煙生處忽聞鐘

御定佩文齋詠物詩選卷三百八十九

欽定四庫全書

御定佩文齋詠物詩選卷三百九十

蓼花類

五言古

蓼灘

明表凱

行迤近橫塘坡陀間幽渚輕穗含夕霏叢條偃秋雨縱
橫覆魚隊聞寂來鷗侶杖策時一臨逍遙更延佇

五言律

蓼花

唐鄭谷

簇簇復悠悠，年年拂漫流。
差池伴黃菊，冷淡過清秋。
晚帶鳴蟲急，寒藏宿鷺愁。
故谿歸不得，憑仗繫漁舟。

五言絕句

江行

唐錢起

山雨夜來漲，喜魚跳滿江。
岸沙平欲盡，垂蓼入船窓。

其二

沙上獨行時，吟情到楚詞。
難將垂岸蓼，盈把當江離。

蓼花

宋
王十朋

秋色在何許
蓼花垂淺紅
客情禁不得
歸興逐西風

七言絕句

寄周憚

唐
于鵠

家在荒陂長似秋
蓼花芹葉水蟲幽
去年相伴尋山客
明月今宵何處遊

竹枝詞

唐
白居易

巴東船舫上巴西
波面風生雨脚齊
水蓼冷花紅簇簇

江籬濕葉碧萋萋

山行

唐李郢

小田微雨稻苗香
田畔清谿滴滴涼
自憶東吳榜舟日
蓼花溝水半篙強

寓居

唐司空圖

不放殘年却到家
銜杯嬾更問生涯
河隄往往人相送
一曲晴川隔蓼花

蓼嶼

宋蘇軾

秋歸南浦螿蛄鳴
霜落橫湖沙水清
卧雨幽花無限思
把叢寒蝶不勝情

出城途中小憇

宋 楊萬里

未到江城已日斜
山煙白處是人家
秋風畢竟無多巧
只把燕支滴蓼花

蓼花

宋 劉克莊

分紅間白汀洲晚
拜雨揖風江漢秋
看誰耐得清霜去
却恐蘆花先白頭

舟中

宋 劉宰

蓼岸著花紅半吐
稻畦過雨綠平鋪
炊煙起處三家市
却向江頭憶畫圖

蓼花

宋 宋伯仁

秋到梧桐我未宜
蓼花何事已先知
朝來數點西風雨
喜見深紅四五枝

江邨

元 黃庚

極目江天一望餘
寒煙漠漠日西斜
十分秋色無人管

半屬蘆花半蓼花

沙湖晚歸

元朱德潤

山野低徊落鴈斜
炊煙茅屋起平沙
櫓聲歸去浪痕淺
搖動一灘紅蓼花

題石田小景

明陳頌

齊女門北古塘斜
岸葦無窮雜蓼花
此地往來應慣熟
借書常到鄴侯家

秋日寫巨然筆意與若休

明李日華

山光沉綠樹酣黃九月江南欲試霜
獨坐灘頭不垂釣
蓼花風急送漁榔

御定佩文齋詠物詩選卷三百九十

欽定四庫全書

御定佩文齋詠物詩選卷三百九十一

蘋花類

五言律

秋日汎舟賦蘋花

宋徐鉉

素艷擁行舟，清香覆碧流。
遠煙分的的，輕浪汎悠悠。
雨歇平湖滿，風涼蓮瀆秋。
今朝流詠處，即是白蘋洲。

五言絕句

永嘉贈別

唐陳陶

芳草溫陽客歸心
浙水西臨風青桂
檝幾日白蘋谿

秋水觀

元虞集

湖深山影碧天淨
月光空幸自無波
浪蘋花謾晚風

秋江晚渡

明錢宰

落日歸棹緩滄江
秋思加雙鱗上荷
葉一鴈下蘋花

七言絕句

酬曹侍御過象縣見寄

唐柳宗元

破額山前碧玉流，騷人遙駐木蘭舟。
春風無限瀟湘意，欲採蘋花不自由。

吳興秋思

唐陳陶

不是苔谿厭看月，天涯有程雲樹涼。
何意汀洲賸風雨，白蘋今日似瀟湘。

題曹雲西畫

元倪瓚

吳松江水碧于藍，怪石喬柯在渚南。
鼓柁長吟採蘋去，新晴風日更清酣。

懷友次陳石泉韻

明 樞

楓林葉赤露華濃
來往晴沙一徑通
遙望美人秋水隔
蘋花吹老楚江風

宿澧陽

明 郭武

蘋花風急水茫茫
今夜孤舟宿澧陽
誰在江城吹畫角
五更殘月一天霜

寄陳叔莊

明 周鼎

郭外何須二頃田
江湖春水綠如煙
扁舟蕩漾不歸去

日暮蘋花風滿川

御定佩文齋詠物詩選卷三百九十一

欽定四庫全書

御定佩文齋詠物詩選卷三百九十二

苔蘚類

五言古

詠青苔

梁沈約

緣階已漠漠，汎水復綿綿。
微根如欲斷，輕絲似更聯。
長風隱細艸，深堂沒綺錢。
紫鬱無人贈，葳蕤徒可憐。

新苔

梁庾肩吾

隨潮染岸石逐沫聚浮查縱令阿谷麗停篷不汰沙

莓苔

唐姚合

茅堂階豈高數寸是苔蘚只恐秋雨中窓戶亦不濺眼前無此物我情何由遣

讀書圖

明張羽

幽棲出塵表修翠連松竹袖得碧苔篇閑來石上讀日
暝欲忘還山空人轉獨

七言古

苔歌

唐
顧雲

檻前谿奪秋空色百丈潭心數沙礫松筠條條長碧苔
苔色碧於秋水碧波迴梳開孔雀尾根細貼著盤陀石
撥浪輕拈出少時一髻濃煙三四尺山光日華亂相射
靜縷藍暑勻襞積試把臨流抖擻看瑠璃珠子淚雙滴
如看玉女洗頭處解破雲鬟収未得即是仙宮欲製六
銖衣染絲未倩鮫人織採之不敢盈筐篋苦把龍神河
伯惜瓊蘇玉鹽爛熳煮嚙入丹田續靈液會待功成插

翅飛蓬萊頂上尋仙客

五言律

同舍弟佶班韋二員外對秋苔成詠

唐
包何

每看苔蘚色如向簿書間
幽思纏芳樹高情寄遠山
雨痕連地綠日色出林斑
却笑興公賦臨危滑石間

苔

唐
李咸用

幾年風雨跡疊在石屨
顏生處景長靜看來情儘閑
吟

亭侵壞壁藥院掩空關
每憶東行徑移筇獨自還

七言律

苔

唐徐夔

印留麋鹿野禽蹤
巖壑漁磯幾處逢
金谷曉凝花影重
章華春映柳陰濃
石橋羽客遺前迹
陳閣才人沒舊容
歸去掃除階砌下
蘚痕殘綠一重重

苔

明朱謀晉

布葉如錢箇箇青
不爭要路占閒庭
風前印鶴移罡步

雨後留蝸作篆形生閣久縈詞客恨入碑多蝕古人銘
紅英墮地交相映小屐跲然未忍停

五言絕句

書事

唐王維

輕陰閣小雨深院晝慵開坐看蒼苔色欲上人衣來

石上苔

唐錢起

淨與谿色連幽宜松雨滴誰知古石上不染世人跡

竹裏逕

唐司空曙

幽徑行跡稀清陰苔色古蕭蕭風欲來乍似蓬山雨

借居

唐
司空圖

借住郊園久仍逢夏景新綠苔行履穩黃鳥傍窓頻

偶成

元
錢惟善

苔花洗春雨藉此聽潺湲終日無客至滿樓都是山

堦前苔

明
高啟

莫掃雨餘綠任滿閒堦路留藉落來花春泥免相污

七言絕句

石上苔

唐白居易

漠漠斑斑石上苔，幽芳靜綠絕纖埃。
路傍凡草榮遭遇，曾得七香車輦來。

苔錢

唐鄭谷

春紅秋紫繞池臺，箇箇圓如濟世財。
雨後無端滿窮巷，買花不得買愁來。

春苔

唐李中

春霖催得鎖煙濃，竹院莎齋逕小通。
誰愛落花風味處

莫愁門巷襯殘紅

殘春

宋
葛長庚

昨日春光更水涯
水涯今日已春賒
春歸只道無蹤跡
尚有青苔一片花

道過贊善菴

元
薩都拉

夕陽欲下少行人
綠遍苔茵路不分
修竹萬竿松影亂
山風吹作滿窓雲

題畫圖

元
陳旅

青紅樓觀護煙霞湖曲高亭竹徑斜日出炎埃生九野
松陰水石養苔花

埽逕

元周權

剝啄無人晝掩門庭花春晚雪紛紛山童不解山翁意
埽破蒼苔一逕雲

山居吟

元僧清珙

一片無塵新雨地半邊有蘚古時松目前景物人皆見
取用誰知各不同

廢寺

明張羽

白晝閑門一兩僧
山房深掩薜花青
西風不管鐘魚破
自在斜陽與塔鈴

山居雜詠

明吳鼎芳

苔花滿徑綠雲涼
嫩竹離離覆短牆
院靜晝長人不到
一簾風裊一爐香

御定佩文齋詠物詩選卷三百九十二

欽定四庫全書

御定佩文齋詠物詩選卷三百九十三

萍類

五言古

詠萍

齊
劉繪

可憐池內萍
氤氳紫復青
巧隨浪開合
能逐水低平
微根無所綴
細葉詎須莖
漂泊終難測
留連如有情

賦得池萍

梁庾肩吾

風翻乍青紫浪起時疎密本欲歎無根還驚能有實

浮萍

北魏 馮元興

有艸生碧池無根綠水上脆弱惡風波危微苦驚浪

萍間穉荷效王司馬體

宋 謝翱

初萍半含絮頃刻開數畝荷生浮其間風雨足邂逅百
年遊子心欲作千歲久昔為浮萍根今為穉荷藕荷高
刺已生魚遊觸其首離離荷下萍吹向白魚口

賦得萍贈陳久中

明 楊基

浮蹤散寒星一夕生無數魚跳翠乍開漚過青還聚微
風和影去急雨連根露惆悵別君時楊花滿衣絮

萍

明薛蕙

參差如霰布的鱗似星出魚戲影初開鳥散文仍密幸
因雲雨會且免風波失無裨江海流徒謝芳菲質

五言律

萍

唐李嶠

二月虹初見三春蟻正浮青蘋含吹轉紫蒂帶波流屢

逐明神薦常隨旅客遊既能甜似蜜還遶楚王舟

萍

宋李覲

盡日看流萍誰原造化情可憐無用物偏解及時生
泥萍根萌淺風波性質輕晚來堆岸曲猶得護蛙鳴

七言律

覽柳惲汀洲採白蘋之什因成

唐徐夔

採盡汀蘋恨別離鴛鴦鷓鴣總雙飛月明南浦夢初斷

花落洞庭人未歸
天遠有書隨驛使
夜長無燭照寒機
年來泣淚知多少
重疊成痕在繡衣

萍

徐黃

為實隨流瑞色新
泛風縈草護遊鱗
密行碧水澄涵月
澀滯輕橈去採蘋
比物何名腰下劍
無根堪並鏡中身
平湖春渚知何限
撥破閒投獨蠶綸

絮化萍

元謝宗可

點綴離人恨已多
水流雲散為消磨
半篙晴浪星無數

兩岸東風雪幾何
脫白定知沾化雨
取青應是謝恩波
滿池好護蒼天影
休逐東流繞汴河

萍菴

明杜瓊

閒把浮萍號葉舟
百年身世總如浮
若為有跡成栖泊
可是無根任去留
楊柳晚風移別浦
桃花春水泛中流
楚謠驚斷江湖夢
隨處忘機逐海鷗

詠萍

明闕名

錦鱗密砌不容針
只為根兒做不深
曾與白雲爭水面

豈容明月下波心
幾番浪打應難滅
數陣風吹不復沉
多少魚龍藏在底
漁翁無處下鈎尋

五言絕句

萍

元 宋 无

風波長不定浪跡在天涯
莫怨身輕薄前身是柳花

七言絕句

浮萍

唐 陸龜蒙

曉來風約半池明
重疊侵沙綠
罽成不用臨池重
相笑

最無根蒂是浮名

浮萍

唐皮日休

嫩似金脂颺似煙多情渾欲擁紅蓮
明朝擬附南風信寄與湘妃作翠鈿

宮詞

明朱權

小立東風半掩門楊花撲面也
親人妾心已作沾泥絮不化浮萍到水濱

萍

明
銜師邵

乍因輕浪疊晴沙又趣迴風擁釣槎莫怪狂蹤易漂泊
前身不合是楊花

御定佩文齋詠物詩選卷三百九十三

欽定四庫全書

御定佩文齋詠物詩選卷三百九十四

薜蘿類

五言古

詠女蘿

齊王融

窈窕女蘿艸蔓行旁松枝含煙黃且綠因風卷復垂

賦松上輕蘿

陳劉剛

葉繞千年蓋條依百尺枝屬與松風動時將薜影垂學

帶非難結為衣或易披山阿若近遠獨有楚人知

剡原九曲

明高啟

山折水暫旋山開水仍往東陂匯初成秋色瀾然廣碧
蘿花茸茸月映石壁上何時試沿洄一理煙中舫

五言絕句

石宮

唐元結

石宮夏水寒寒水宜高林遠風吹蘿蔓野客熙清陰

石門塢

宋朱子

朝開雲氣擁暮掩薜蘿深自笑晨門者那知孔氏心

煙蘿境

元虞集

玉女乘煙霧松間采薜蘿飛行了無迹明月送空歌

富林春曉

明陸德蘊

旭日始啟旦鳥聲出煙蘿草堂檢春事花落風檐多

七言絕句

慈湖磯

元貢奎

碧蘿交蔓絡崖陰潭底潛蛟萬仞深今古江流推不去

濕雲長護最高岑

御定佩文齋詠物詩選卷三百九十四

欽定四庫全書

御定佩文齋詠物詩選卷三百九十五

菰蒲類

五言古

拔蒲

晉樂府

青蒲銜紫茸長葉復從風與君同舟去拔蒲五湖中

其二

朝發桂蘭渚晝息桑榆下與君同拔蒲竟日不成把

詠蒲

齊謝朓

離離水上蒲，結水散為珠。
問厠秋菡萏，出入春鳧雛。
初萌寔雕俎，暮蕊雜椒塗。
所悲塘上曲，遂鑠黃金軀。

蒲生行

謝朓

蒲生廣湖邊，託身洪波側。
春露惠我澤，秋霜緝我色。
根葉從風浪，常恐不永植。
攝生各有命，豈云智與力。
安得遊雲上，與爾同羽翼。

賦得蒲生我池中

梁元帝

池中種蒲葉葉影蔭池濱未好中宮薦行堪隱士輪為
書聊可截匹柳復宜春瑞葉生苻苑鏤碧獻周人

詠菰

梁沈約

結根布洲渚垂葉滿臯澤匹彼露葵羹可以留上客

魯東門觀刈蒲

唐李白

魯國寒事早初霜刈渚蒲揮鋤若轉月拂水生連珠此
草竄可珍何必貴龍鬚織作玉牀席欣承清夜娛羅衣
能再拂不畏素塵燕

青青水中蒲

唐韓愈

青青水中蒲，下有一雙魚。君今上隴去，我在與誰居。

其二

青青水中蒲，長在水中居。寄語浮萍草，相識我不如。

其三

青青水中蒲，葉短不出水。婦人不下堂，行子在萬里。

蒲

明薛蕙

昔聞詠塘上，今見翫池中。紫茸含細蕊，綠帶舞輕叢。蜻

鈴高下逐翡翠往來通徘徊桂蘭渚竟日與君同

長短句

拔蒲歌

唐張祜

拔蒲來領郎鏡湖邊郎心在何處莫越新蓮去拔得無
心蒲問郎看好無

七言律

蒲

唐徐黃

濯秀盤根在碧流紫茵含露向晴抽編為細履隨君步

織作輕帆送客愁
疎葉稍迴投餌釣
密叢還礙採蓮舟
鴛鴦瀟瀟多情甚
日日雙雙遶傍游

蒲劍

明 朱之蕃

萍化芹香水國春
蒲抽銚劍光新
不資淬礪能全德
常合雌雄若有神
浴鷺忘情時振羽
潛蛟懼截欲存身
江干森立非無意
待剖雙魚慰遠人

五言絕句

白石灘

唐 王維

清淺白石灘
綠蒲向堪把
家住水東西
浣紗明月下

北垞

唐
裴迪

南山北垞下
結宇臨歌湖
每欲采樵去
扁舟出菰蒲

七言絕句

夔州歌

唐
杜甫

灩東灩西一萬家
江北江南春冬花
背飛鶴子遺瓊蕊
相趣鳧雛入蔣芽

種蒲

唐
陸龜蒙

杜若谿邊手自移
旋抽煙劍碧參差
何時織得孤帆去
懸向秋風訪所思

送慈師北遊

宋林逋

鬱鬱蒲茸染水田
渡淮閒寄賈人船
知師一枕清秋夢
多為林間放鶴天

秋日

宋秦觀

霜落刊溝積水清
寒星無數傍船明
菰蒲深處疑無地
忽有人家笑語聲

江邨晚眺

宋 戴復古

數點歸鴉過別邨，隔灘漁笛遠相聞。
菰蒲斷岸潮痕濕，日落空江生白雲。

江浦夜泊

元 薩都拉

千里長江浦，月明星河半。
入石頭城，棹歌未斷，西風起。
兩岸菰蒲雜雨聲。



御定佩文齋詠物詩選卷三百九十五

欽定四庫全書

集部

御定佩文齋詠物詩選卷
三百九十六至
四百四

詳校官侍郎_臣李封

主事銜_臣徐以坤覆勘

總校官檢討_臣何思鈞

校對官中書_臣高 中

騰錄監生_臣劉為幹

欽定四庫全書

御定佩文齋詠物詩選卷三百九十六

草類

附莎

蕪

蓬

茅

著

莫

鬼葵

瓦松

五言古

細草

梁元帝

依階疑綠蘚傍渚若青苔漫生雖欲遍人跡會應開

樹中草

梁蕭子顯

幸有青袍色聊因翠幄凋雖開珊瑚蒂非是合歡條

詠青草

陳劉剛

雨淋三春葉風傳十步香
映袍憐色重臨書喜帶長

庭草

唐曹鄴

庭草根自淺造化無遺功
低回一寸心不敢怨春風

長短句

江草歌送盧判官

唐皇甫冉

江臯兮春早江上兮芳草雜
蘼蕪兮杜蘅作叢秀兮欲
羅生被遙隰兮經長行
雨中深兮煙中淺目渺渺兮

增愁步遲遲兮堪蹇澧之浦兮湘之濱思夫君兮送美人
吳洲曲兮楚鄉路遠孤城兮依獨戍新月能分袞露時
夕陽照見連天處問君行邁將何之淹泊汭洄風日遲
處處汀洲有芳草王孫詎肯念歸期

春草謠

唐
顧况

春草不解行隨人上東城正月二月色綿綿千里萬里
傷人情

五言律

庭草

唐杜甫

楚草經寒碧庭春入眼濃
舊低收葉舉新掩捲牙重步
履宜輕過開筵得屢供
看花隨節序不敢強為容

賦得古原草送別

唐白居易

離離原上草一歲一枯榮
野火燒不盡春風吹又生
遠芳侵古道晴翠接荒城
又送王孫去萋萋滿別情

路傍草

唐于鵠

春至始青青香車碾已平
不知山下處來遶路傍生
每

歲有人在何時無馬行應隨塵與土吹滿洛陽城

池塘生春草

唐陳陶

謝公遺詠處池水夾通津古往人何在年來草自春色
宜波際綠香異雨中新今日青青意空嗟行人

芳草

唐李中

二月正綿綿離情被爾牽四郊初過雨萬里正鋪煙春
戀殘花惹留連醉客眠飄香是杜若最憶楚江邊

賦得江邊草

李中

岸春芳草合幾處思纏綿向暮江離雨初晴杜若煙靜
宜幽鷺立遠稱碧波連送別王孫處萋萋南浦邊

春草

明陳德懿

無人種春草隨意發芳叢綠遍郊原外青回遠近中暮
煙粘落絮和雨襯殘紅不解王孫去淒淒對晚風

五言排律

賦得御園芳草

唐陸贄

陰陰御園裏瑤草日光長
霾靡含煙霧依稀帶夕陽
雨

餘萸更密風暖蕙初香擁仗綠馳道乘輿入建章濕煙
搖不散細影亂無行恆恐韶光晚何人辨早芳

賦得龍池春草

唐陳 詠

青春光鳳苑細草遍龍池曲渚交蘋葉廻塘惹柳枝因
風初冉冉覆岸欲離離色帶金堤靜陰連玉樹移日光
浮羅靡波影動參差豈比生幽遠芳馨衆不知

賦得龍池春草

唐宋 迪

鳳闕韶光遍龍池草色勻煙波全讓綠堤柳不爭新翻

葉迎紅日飄香借白蘋幽姿偏占暮芳意欲留春已勝
生金埒長思藉玉輪翠華如見幸正好及茲辰

龍池春草

唐李洞

龍池清禁裏芳草傍池春旋長方遮岸全生不染塵和
風輕動色湛露靜流津淺得承天步深疑遶御輪魚尋
倒影沒花帶濕光新肯學長河畔綿綿思遠人

春草碧色

唐王叡

習習東風扇萋萋草色新淺深千里碧高下一時春嫩

葉舒烟際微香動水濱金塘明夕照輦路惹芳塵造化
功何廣陽和力自均今當發生日懃懃祝良辰

春草凝露

唐張友正

蒼蒼芳草色含露對青春已賴陽和長仍慚潤澤頻日
臨猶未滴風度欲成津蕙葉垂偏重蘭叢洗轉新將行
愁裛徑欲採畏濡身獨愛池塘畔清華襲遠人

賦得生芻一束

唐于結

比玉人應重為芻物自輕向風傾弱葉裛露示纖莖蒨

練宜春景芊綿對雨情每慚蘋藻用多謝
菖蘭榮孺子才雖遠公孫策未行
諮詢如不棄終冀及微生

賦得生芻一束

唐鄭孺華

孫弘期射策長倩贈生芻至潔心將比
忘憂道不孤芝蘭方入室蕭艾莫同途
馥馥香猶在青青色更殊芳寧九春歇
薰豈十年無葑菲如堪采山苗自可逾

禮闈試階前春草生

唐闕名

河畔雖同色南宮淑景先微開曳履處
常對講經前得

地風塵隔依林雨露偏已逢霜候改初寄日華妍影與
叢蘭雜榮將衆卉連哲人如不難生意在芳年

七言律

芳草

唐羅鄴

廢苑牆南殘雨中似袍顏色正蒙茸微香暗惹遊人步
遠綠纒分鬪雉蹤三楚渡頭長恨見五侯門外却難逢
年年縱有春風便馬跡車輪一萬重

詠草

宋程子

漸覺東皇意思勻
陳根初動夜來新
忽驚平地有輕綠
已蓋六街無舊塵
莫為榮枯吟野草
且憐愁醉拈香輪
詩人空怨王孫遠
極目萋萋又一春

草茵

明朱之蕃

青蔥初向燒痕分
陌上池邊積漸殷
風落繁英舒蜀錦
雲連遠岫蹙湘紋
佳人鬪巧披香逕
狂客揮杯藉夕曛
不待蛩吟秋露冷
閒眠先自惜芳芬

五言絕句

春草

唐
皇甫冉

草徧潁陽山花開武陵水春色既已同人心亦相似

春草

唐
曹松

不獨滿池塘夢中佳句香春風有餘力引上古城牆

芳草

唐
黃滔

澤國多芳草年年長自春應從屈平後更苦不歸人

鴛鴦草

唐
薛濤

綠英滿香砌兩兩鴛鴦小但娛春日長不管春風早

寒草

宋梅堯臣

寒草纔變枯陳根已含綠始知天地仁誰道風霜酷

芳草

宋王安石

芳草知誰種綠堦已數叢無心與時競何苦綠蔥蔥

江南曲

元宋无

遙天碧蕩蕩遠草綠悵悵并作相思海春來一樣深

遊三洞金盆諸峰

元葉顥

犬吠人家近鳥啼春晝晴澗草有幽色野花無定名

新草

明
袁凱

水邊春尚淺沙際葉纔穿
拾翠雙雙女迢迢度碧煙

江南曲

明
王廷相

采蘼金陵江往來石城道
不問江南人安識江南草

春草

明
陳沂

夜雨江南夢春風陌上情
東皇如有意移向玉階生

七言絕句

宮中詞

唐
王建

新晴草色綠溫暾山雪初消澗水渾今日踏青歸校晚
傳聲留著望春門

江邊草

唐白居易

聞君澤畔傷春草憶在天門街裏時漠漠萋萋愁滿眼
就中惆悵是江離

芳草

唐羅鄴

曲江岸上天街裏兩地縱生車馬多不似萋萋南浦見
晚來煙雨半相和

賞春

羅鄴

芳草和煙暖更青
閑門要路一時生
年年點檢人間事
惟有春風不世情

路傍草

唐徐黃

楚甸秦原萬里平
誰教根向路傍生
輕蹄繡轂長相躡
合是榮時不得榮

書軒

宋蘇軾

雨昏石硯寒雲色
風動牙籤亂葉聲
庭下已生書帶草

使君疑是鄭康成

春草

宋 楊萬里

年年春色屬垂楊
金撚千絲翠萬行
今歲草芽先得計
攬他濃翠奪他黃

春草曲

宋 薛季宣

散雪枝頭寒已老
平蕪一夜鋪春草
江梅著子怯東風
花落滿庭渾不掃

西城道中

金 周 昂

草路幽香不動塵
細蟬初向葉間聞
漠漠小雨來無數
雲與青山淡不分

雜詩

金王礪

晴日南谿物色饒
草芽新綠凍全消
金絲柳底洲沙沒
數尺流波拍夜橋

清勝軒絕句

元趙孟頫

小草幽香動碧池
暖風晴日長新蕤
南窗書倚綠陰靜
聽盡行人過馬蹄

王朋梅東涼亭圖延祐中奉勅所作草也

元虞集

灤水東流紫霧開千門萬戶起崔嵬坡陀草色如波浪
長是鑾輿六月來

題竹院壁

元薩都拉

門外好山青入戶堦前芳草綠侵簾山僧應笑遊人醉
頭上花枝壓帽簷

上京即事

薩都拉

大野連山沙作堆
白沙平處見樓臺
行人禁地避芳草
盡日曲闌斜路來

灤京雜詠

元 楊允孚

鴛鴦坡上是行宮
又喜臨歧象馭通
芳草撩人香撲面
白翎隨馬叫晴空

其二

鐵幡竿下草如茵
澹澹東風六月春
高柳豈堪供過客
好花留待躡青人

絕句

元倪瓚

我別故人無十日衝烟艇子又重來
門前積雨生幽草牆上春雲覆綠苔

偶成

倪瓚

紫燕低飛不動塵黃鸝嬌小未勝春
東風綠遍門前草暮雨寒煙愁殺人

題畫

元丁鶴年

江樹青紅江草黃好山不斷楚天長
雲中樓觀無人住

只有秋聲送夕陽

春草

明
王 韋

帶雨和煙未可名
春風處處不勝情
于今南浦知多少
都向王孫去後生

附莎

五言排律

移莎

唐
唐彥謙

移從杜城曲
置在小齋東
正是高秋裏
仍兼細雨中
結

根妨迸竹疎蔭悅高桐冉冉齊芳草飄飄笑斷蓬片時
留靜者一夜響鳴蟲野露通宵滴谿煙盡日蒙試才早
庾薤求味笑周菘只此霜裁好他時贈伯翁

七言絕句

招周處士

唐張籍

閉門秋雨濕牆莎俗客來稀野思多已掃書堂安樂竈
山人作意早經過

附蕪

書原上鮑處士屋壁

唐方干

水閣坐看千萬里青蕪蓋地接天津
禰衡莫愛山中靜
遶舍山多却礙人

春日雜興

宋唐庚

短帽輕衫信馬行郊原春色太牽情
免葵燕麥渾閒事
最有蕪菁到處生

小景

金呂中孚

青蕪平野四圍山山郭依依紫翠間
邨遠路長人去少

一竿斜日酒旗閒

曉過橫塘

明僧戒襄

半幅蒲帆九里汀
石湖秋水接天青
舟人指點蘼蕪外
一帶青山是洞庭

附蓬

五言古

雜詩

晉司馬彪

百草應節生
含氣有深淺
秋蓬獨何辜
飄飄隨風轉
長

飈一飛薄吹我之四遠搔首望故株邈然無由返

五言絕句

入長安詠秋蓬示辛學士

唐王績

遇坎聊知止逢風或未歸
孤根何處斷輕葉強能飛
答王無功入長安詠秋蓬見示

唐辛學士

託根雖異所飄葉早相依
因風若有便更共入雲飛

附茅

五言古

香茅

梁簡文帝

銅律與鳴琴俱稱類君子豈若江淮間發葉起衆美珍
同自收歸茅因彙征起豈獨邁秦衡方知茂沅沚

香茅

北齊蕭祇

鷓鴣芳不歇霜繁綠更滋擢本同三春流芳有四時鹿麋
根縮酒易結解舞蠶遲終當入楚貢豈羨詠陳詩

附著

五言古

詠著

梁王筠

數竒不可偶性直誰能紆
禎蔡伏靈異祥雲降溫腴

附奠

五言排律

賦得數奠

唐元稹

將課司天厯先觀近砌奠
一旬開應月五日數從星桂
滿叢初合蟾虧影漸零辨
時長有素數閏或餘青墜葉

推前事新芽察未形
堯年始今歲方欲瑞千齡

附鳧葵

五言絕句

江行

唐錢起

幽思正遲遲沙邊濯弄時
自憐非博物猶未識鳧葵

附瓦松

五言排律

尚書都堂瓦松

唐李華

華省祕仙蹤高堂露瓦松葉因春後長花為雨來濃影
混鴛鴦色光含翡翠容天然斯所寄地勢太無從接棟
臨雙闕連甍近九重寧知深澗底霜雪歲兼封

御定佩文齋詠物詩選卷三百九十六

欽定四庫全書

御定佩文齋詠物詩選卷三百九十七

麟類

四言古

麟頌

漢
蔡邕

皇矣大角降生靈獸視明禮修麒麟來孚春秋既書爾
來告就庶士子鉏獲諸西狩

麒麟頌

吳
薛綜

懿哉麒麟惟獸之伯政平觀景否則戢足德以衛身不
布牙角屏營唐日帝堯保祿委體大吳以昭遐福天祚
聖帝享茲萬國

麒麟頌

西涼

李嵩

一角圓蹄行中規矩遊必擇地翔而後處不入陷窞不
罹網罟德無不王為之折股

五言律

麟

唐

李嶠

漢祀應祥開魯郊西狩迴奇音中鍾呂成角喻英才畫
像臨仙閣藏書入帝臺若驚能吐哺為覩鳳凰來

七言絕句

步虛詞

明 孫 谷
朝鮮人

玉母雲車五色麟白鸞前導向西巡天章曉奏虛皇殿
仙桂花開八萬春

其二

仙島焚香禮玉虛紫麟催駕五雲車西宮侍女多嬌笑

錄盡三天未見書

御定佩文齋詠物詩選卷三百九十七

欽定四庫全書

御定佩文齋詠物詩選卷三百九十八

騶虞類

四言古

五靈頌

漢蔡邕

大梁乘精白虎用生思獻信立繞于垣坳

騶虞頌

吳薛綜

婉婉白虎優仁是崇飢不侵暴困不改容歛威揚德愷

悌之風聖德極盛騶虞乃彰

騶虞贊

晉 郭璞

怪獸五采尾參于身矯足千里儵忽若神是謂騶虞詩
歎其仁

長短句

騶虞畫贊

唐 白居易

孟山有獸仁心毛質不踐生芻不食生物有道則見非
時不出三季已還退藏于密我聞其名微之于書不識

其形得之於圖白質黑文猊首虎軀是耶非耶孰知之
乎已矣夫已矣夫前不見往者後不見來者吁嗟乎騶

虞

御定佩文齋詠物詩選卷三百九十八

欽定四庫全書

御定佩文齋詠物詩選卷三百九十九

獅子類

長短句

陸探微畫獅子屏風贊

宋蘇軾

圓其目仰其鼻奮鬣吐舌威見齒舞其足前其耳左顧
右盼喜見尾雖猛而和蓋其戲崑崑高堂護燕几啼呼
顛沛走百鬼嗚呼妙哉我陸子

七言律

獅子

明夏言

金眸玉爪目懸星，羣獸聞知盡駭驚。
怒懾熊羆威凜凜，雄驅虎豹氣英英。
曾聞西國常馴養，今出中華應太平。
却羨文殊能服爾，穩騎駕馭下天京。

七言絕句

擬古宮詞

明朱讓栩

白雪漫漫積禁堤，夜寒宮月照玻璃。
曉來宮女喧看處

掃向盤中捏後猊

御定佩文齋詠物詩選卷三百九十九

欽定四庫全書

御定佩文齋詠物詩選卷四百

象類

四言古

象贊

晉 郭璞

象實魁梧體巨貌詭肉兼十牛目不踰豕望頭如尾動
若丘徙

五言律

象

唐
李嶠

鬱林開郡畢維揚作貢初萬推方演夢惠子正焚書執
燧奔吳戰量舟入魏墟六牙行致遠千葉奉高居

五言絕句

偶題

唐
殷堯藩

越女收龍眼蠻兒拾象牙長安千萬里走馬送誰家

七言絕句

灤京雜詠

元
楊允孚

納寶盤營象輦來畫簾擅煖九重開大臣奏罷行程記
萬歲聲傳龍虎臺

其二

聿來新貢又殊方重譯寧誇自越裳馴象明珠龜九尾
皇王不寶壽無疆

其三

怪得家僮笑語回門前驚見事竒哉老翁攜鼠街頭賣
碧眼黃髯騎象來

輦下曲

元張昱

當年大駕幸灤京
象背前馱幄殿行
國老手爐先引導
白頭睽騎出都城

御定佩文齋詠物詩選卷四百

欽定四庫全書

御定佩文齋詠物詩選卷四百一

虎類

五言古

猛虎詞

唐
儲光羲

寒亦不憂雪
飢亦不食人
人肉豈不甘
所懼傷明神
太室為我宅
孟門為我鄰
百獸為我膳
五龍為我賓
蒙馬一何威
浮江亦以仁
彩章耀朝日
爪牙雄武臣
高雲逐

氣浮厚地隨聲震叶平聲君能賈餘勇日夕長相親

遣興

唐杜甫

猛虎憑其威往往遭急縛雷吼徒咆哮枝撐已在脚忽
看皮寢處無復睛閃爍人有甚於斯足以勸元惡

挂虎圖於寢壁示秬程

宋張耒

畫工出幻事縞素發原藪蕭蕭白茅低凜凜北風走耽
然老於菟舉步安不驟目光炯雙射怒吻欲受彼彪
擲其旁文采淡初就雖然竊形似已足走百獸煩君衛

吾寢振此蓬蓽陋坐令盜肉鼠不敢窺白晝

猛虎行

宋 徐 照

猛虎出林行咆哮取人食居人慮虎至荆棘挂墻壁虎
乃愛其身驚遁不近側人或虎不如甘心蹈荆棘

七言古

附長短句

曲江

唐 杜 甫

自斷此生休問天杜曲幸有桑麻田故將移住南山邊
短衣匹馬隨李廣看射猛虎終殘年

和李尚書畫射虎圖歌

唐 獨孤及

飢虎呀呀立當路萬夫震恐百獸怒彤弓金鏃當者誰
鳴鞭飛控流星馳居然畫中見真態若務除惡不顧私
時和年豐五兵已白額未誅壯士恥分銖遠邇懸穀中
不中不發思全功捨矢如破石可裂應絃盡敵山為空
殺氣滿堂觀者駭颯若崖谷生長風精微入神在毫末
作績造物可同工方叔秉鉞受命新丹青起予氣益振
底綏靜難巧可擬嗟歎不足聲成文他時代天育萬物

亦以此道安斯民

猛虎行

唐
張籍

南山北山樹冥冥
猛虎白日繞林行
向晚一身當道食
山中麋鹿盡無聲
年年養子在空谷
雌雄上山不相逐
谷中近窟有山林
長向邨家取黃犢
五陵年少不敢射
空來林下看行跡

虎圖行

宋
王安石

壯哉非熊亦非貙
目光夾鏡當坐隅
橫行安尾不畏逐

顧盼欲去仍躊躇卒然一見心為動熟視稍稍摩其鬚
固知畫者巧為此此物安肯來庭除想當盤礴欲畫時
睥睨衆史如庸奴神閒意定始一掃功與造化論錙銖
悲風颯颯吹黃蘆上有寒雀驚相呼槎枒古樹鳴老烏
向之俛喙如哺雛山塘野壁黃昏後馮婦遙看亦下車

畫虎圖

宋 游子明

平生射虎裴將軍馬獐如龍弓百鈞手撚白羽旁無人
注虎使虎不敢奔須臾叢薄斑斕出人馬不知俱辟易

矢如蓬蒿弓減力將軍得歸幾敗績徐行爪牙元不露
耿耿垂頭若微顧尾剪霜風林葉飛倏忽山頭日光暮
包家畫出真於菟我尚不敢編其鬚昔人作詩譏畫圖
吁嗟畫圖今亦無

宣差射虎

金
李俊民

北原風勁霜草枯草間出沒藏於菟耿耿來此被誰驅
不防邂逅馮婦車將軍膽氣勇有餘手中笑撚金僕姑
等閒如射兔與狐兩眼錯莫精光無深山大澤失所居

或撩汝頭編汝鬚可惜肉食無遠圖伎倆不及黔之驢

趙邈齷伏虎圖行

元郝經

南山射虎曾得名壁上忽見令我驚何物敢爾來戶庭
屢叱不動仍生獍畫師前身是山靈胸中有虎無丹青
老櫛數筆平掃成殺氣慘淡猛氣橫頭顱半妥蹲孤城
怒尾倒插蟠霜旌鐵鬚張磔疑有聲赤吻瀝血猶帶腥
抱石欲卧伏欲騰爪入石角瞳不瞑寒電夾鏡騫兩睛
四座凜凜陰風生威稜神采出典型邈齷乃是金天精

伊昔詩家杜少陵酷愛賦馬并賦鷹為憐神俊故屢稱
我今賦虎亦有徵要得猛士建太平坐令四海皆澄清
吁嗟擲筆還撫膺世間道路多荆棘佞鬼磨牙不可行

趙邈觀虎圖行

元王惲

巔崖老樹纏冰雪石背牙杈橫積鐵北平山深林樾黑
下雖有徑人跡滅耽耽老虎底許來抱石踞坐何雄哉
目光夾鏡尾束胯百獸却走潛風埃趙侯欲盡神妙功
都著威稜阿堵中想當盤礴啜墨時衆史縮手甘凡庸

至今元氣老不沒神物所在纏陰風前年驅馬下靖邊
崖東突起草底眠腰間恨無鐵絲箭寢皮食肉空長歎
今朝過喜一嚼快熟視鬚頂為摩編貨馴跣服暴戾息
弭耳道義思拳拳主人愛翫中有謂遇事炳變通經權
我聞漢家大獵陸冰天豸冠思賦長揚篇四方猛士今
雲合早晚龍旗到渭畋

題胡氏殺虎圖

元陳旅

沙河野黑秋風靡棗陽戍卒車載孛道旁老虎夕未舖

車中健婦不見夫
倉皇下車持虎足
呼兒授刀割其腹
夫骨已斷不可續
泣與孤兒餐虎肉

答祿將軍射虎行

元納延

將軍部曲瀚海東
三千鐵騎精且雄
久知天命屬真主
奮身來建非常功
世祖神謨涵宇宙
坐使英雄皆入彀
十年轉戰淮蔡平
帳下論功封太守
信陽郭外山嵯峩
長林大谷青松多
白額於菟踞當道
城邊日落無人過
將軍聞之毛髮豎
拔劍誓天期殺虎
彎弓走馬出東門

傾城來看誇豪武，猛虎磨牙當路嘯。目光睽睽斑尾搖，
據鞍一叱雙眸裂。烏飛木落風蕭蕭，金弰瑠弓鐵絛箭。
滿月弦開正當面，雕翎射沒錦毛摧。崖石傾頽腥血濺，
萬人歡笑聲震天。剖開一箭當心穿，父老持杯馬前拜。
祝公眉壽三千年，將軍立功期不朽。奇事相傳在人口，
可憐李廣不封侯。却喜將軍今有後，承平公子秘書郎。
文場百步曾穿楊，咫尺風雲看豹變。鳴珂曳履登朝堂，

女殺虎行

元
吳 萊

山深日落猛虎行長風振木威猙獰父樵未歸女在室
心已與虎同死生揚睛掉尾腥滿地狹路殘榛苦遭噬
豈非一氣通呼吸徒以柔軀扼強鷲君不見馮婦來下
車衆中無人尚負嵎又不見裴將軍出鳴鏑一時鞍馬
俱辟易丈夫英雄却不武臨事趑趄汗流雨關東賢女
不足數孝女千年傳殺虎

殺虎行

劉平妻胡氏從平戍襄陽平為虎擒胡殺虎爭夫千載義
烈有足歌者猶恨時之士大夫其作未雄故為賦是章

元

楊維禎

夫從軍妾從主，夢魂猶痛刀箭瘢。况乃全軀飼豺虎，拔
刀誓天天為怒。眼視於菟小於鼠，血號虎鬼冤魂語。精
光夜貫新阡土，可憐三世不復讐。太山之婦何足數。

猛虎行

明高啟

陰風吹林烏鵲悲，猛虎欲出人先知。目光燿燿當路坐，
將軍一見弧矢墮。幾家插棘高作門，未到日沒收豬豚。
猛虎雖猛猶可喜，橫行只在深山裏。

題畫虎

明劉溥

千山萬山日向晡啞啞老樹愁啼鳥長途迢遞人跡絕
奮躍只有黃於菟長風颭颭震林木百獸紛披望風伏
霜牙凜凜摧萬夫金鏡瞳瞳射雙目飢來擇肉惟熊羆
不更小取豺與狸田家黃犢要耕種又肯搏攫誇能為
如今天關求守備蓋世雄威素稱異舉首為城掉尾旌
願保皇家千萬世

五言律

題虎樹亭

宋聰禪師住華亭時有二虎噬人師降伏之命名曰大
青小青後瘞師塔旁踰年生銀杏樹二今主僧隱公閱

亭樹間扁
曰虎樹

元王逢

舟泊東西客詩招大小青山高白月墮草偃黑風腥植
物鍾英爽精藍被寵靈涼陰慎翦伐留護石函經

虎洞

明金大章

靈山通上界羸馬涉遙岑天淨峰如掌風悲虎出林空
巖春晝冷石洞夜壇陰漸悟真如性還同出世心

七言律

射虎得山字

金馮延登

田翁太息論三害獵騎俄驚見一斑
涎口風生雷吼怒
角弓寒勁月痕彎柳營共許千人敵
魚服仍餘一矢還
我欲殘年賞神駿短衣匹馬夢南山

畫虎圖贈真一先生

元虞集

獵獵霜風木葉乾月明曾過越王山
青龍久待蟠仙鼎
赤豹相呼守帝闕終歲采芝茅
阜曲豐年收穀杏林間
誰家稚子能為御長與桃椎共往還

謝希大虎皮

明儲燿

風簷短札墨漸開多謝臯比撤送來食肉我非投筆相
寢皮君有控弦材毫端擬畫真難類座上聞談祇漫猜
却笑銜恩還戀闕車茵穩稱不須裁

五言絕句

復愁

唐
杜甫

人煙生僻處虎跡過新蹄野鶻翻窺草邨船逆上谿

山中夜宿

唐
顧況

涼月挂層峰蘿牀落葉重掩關深畏虎風起撼長松

題潞州壁

唐 僧普滿

此水連涇水雙珠月滿川青牛將赤虎還賀太平年

九月中曾題二小詩於南谿竹上既而忘之昨

日再遊見而錄之

錄一

宋 蘇軾

誰謂江湖居而為虎豹宅焚山豈不能愛此千竿碧

七言絕句

答東林道士

唐 韋應物

紫閣西邊第幾峰茅齋夜雪虎行蹤遙看黛色知何處

欲出山門尋暮鐘

小遊仙詩

唐曹唐

百辟朝回閉玉除
露風清晏桂花疎
西歸使者騎金虎
鞞鞞垂鞭唱步虛

射虎

元張洪範

黑風萬騎卷空山
怒吼巖林出錦斑
得意將軍飛鐵鏃
忽驚一點草梢殷

荆谿雜曲

明王叔承

賣殘竹筍筍還來收罷蘭花蕙又開
但使山田饒秣米
何妨虎跡遍莓苔

追和張外史遊仙詩

明 余善

城闕芙蓉曉未分身騎金虎謁元君
青童不道天家近
笑指空中五色雲

山居雜詠

明 僧慧浸

行到深深一翠微人多畏虎閉山扉
我今最愛茲山住
虎跡多時人跡稀

山居詩

明僧法杲

青山疊疊繞珠林
磬響時兼流水音
虎不避人人避虎
虎能先我息機心

御定佩文齋詠物詩選卷四百一